



五

□ 12
2924
5



口 12
2924
5



去五味均平藏



春秋釋例卷五

晉

杜

預

撰

土地名第四十四之一

案此篇見永樂大典惟篇目佚今從孔穎達集解序

正義補又案鄆道元水經注引杜預此篇並作春秋釋地

地名三十八

隱八年春宋公衛侯遇于垂傳曰宋公以幣請于衛請先相見衛侯許之故遇于犬丘

十一年夏公會鄭伯于時來傳曰夏公會鄭伯于邾謀伐許也

春秋釋例

卷五

宣七年冬公會晉侯宋公衛侯鄭伯曹伯于黑壤傳曰盟于黃父公不與盟以賂免故黑壤之盟不書諱之也昭九年春云云許遷于夷傳曰二月庚申楚公子棄疾遷許于夷實城父

十八年冬許遷于白羽傳曰楚子使王子勝遷許于析實白羽

定十年夏公會齊侯于夾谷傳曰夏公會齊侯于祝其實夾谷

十三年春齊侯衛侯次于垂葭傳曰春齊侯衛侯次于

垂葭實郟氏

地有二名七十九錯綜其七

釋例曰天有列宿之號地有山川之名尚矣與人倫並今其遺文禹貢及山海經載其大略而春秋經國邑之名又詳然書契以來歷代七百餘年數千其名號處所因緣改變加以四方之語音聲有楚夏文字有異同或一地二名或二地一名或他國之人錯得他國田邑縣以為己屬既難綜練且多繆誤疑闕自禹貢之經猶與輿地實相錯豈况傳記雜書而可必

據異同。端跡似是而非。似非而是者甚衆。非精敏兼通。不能淹濟其始終。以獨見于千載之表也。六合之內。山川國邑。道涂關津。春秋多見其事。盟會侵伐。各有所趣。周旋迂直。可得而推。日月遠近。可得而校。然詳而究之。非書無以志古。非圖無以志形。坐于堂宇之內。瞻天下之廣居。究古今之委曲。可以行。可以言。可以鑑。可以觀。多識山川分野之別。賢愚成敗得失之跡。雖千載之外。若指諸掌。圖書之謂也。以據今天下郡國縣邑之名。山川道涂之實。爰及四表。自人迹

所逮。舟車所通。皆圖而備之。然後以春秋諸國邑盟會地名各所在附列之。名曰古今書春秋盟會圖。別集疏一卷附之。釋例博而備矣。春秋地名之變易。經傳有起發者。有經書所改之名。則傳以實明之。遷許于夷。實城父。齊侯衛侯次于垂葭。實郟氏之比是也。經書未改之名。傳發所改爲文。而稱經以爲實者。遷許于析。實白羽。公會齊侯于祝其。實夾谷之比是也。皆謂所在之地。舊名絕于當時。而史記有遺文者也。若二名當時並存。案隱八年正義引釋例。此句則直

作若一傳二名當時並有。

兩文互見黑壤犬丘時來之屬是也此皆經傳起事
 之常猶卿大夫名氏互見非例也傳曰閨門之外實
 薰隧者薰隧之地在門外非地名也其明年子產數
 子析之罪稱薰隧之盟是以丘明就于盟文並見薰
 隧參傳微旨多此學者推以求之其庶幾矣案昭九年孔穎
 達正義云杜以地名經傳不同而傳言實者則以為
 各有改易也傳不言實則以為二名並存也言實凡
 有義經書未改之名傳以所改實明之則昭十八
 年許遷于白羽傳云遷許于析實白羽定十年公會
 齊侯于夾谷傳云會于祝其實夾谷是也若經書已
 改之名則傳亦舉其已改實其未改之號許遷于夷
 傳云遷許于夷實城父定十三年齊侯衛侯次于垂
 葭傳云次于垂葭實郟氏是也此四者或經書未改

或經書已改傳皆上句舉其已改之名下句實其未
 改之號凡一地前後二名者非謂經時為未改之名
 傳時為已改之名乃于經傳以前上世之時亦有所
 改夫子集史記而為經丘明采簡牘而作傳史記或
 書其舊名者即白羽夾谷是也或書其後名者即夷
 與垂葭是也丘明據簡牘為傳以所改後名而實之
 故僖二十五年秦取析矣襄二十六年聲子云析公
 之亂皆舉白羽改為析之後但簡牘稱析故杜云于
 傳時白羽改為析正謂簡牘稱析故杜云于
 牘之時非丘明作傳時也疆場之邑一彼一此所屬
 無常如陳之焦邑後為楚邑莒魯之鄆亦無一定故
 今地名唯以先者為主其變改移易學者可尋而知
 世人以河東汾陰為齊桓所盟葵丘又謂犇縣魚山
 陂為楚子所次楚師分涉于彭為豫章之彭澤吳人

入棘櫟為河南之陽翟。末學之徒各牙所見若此，皆甚多。古人之教戎以闕疑，苟不廣見，乃亦不知所疑也。今所記注雖事跡相切，名號相附，而未有顯證者，皆稱今有，並以示疑。其絕無形類者，則闕以待多聞之士焉。今所畫圖本依官司空圖，司空圖據泰始之初郡國為正時，孫氏僭號于吳，故江表所記特示略。咸寧六年，吳乃平定。案晉書是年改元大康，實咸寧六年也。孫氏居八郡之地，隨其宜增廣。今江表凡十四郡，皆貢圖籍，新國始通文記所載，猶未詳備，若足以審其大略，自荆

楊徐江內郡縣人以各還其舊城，故此三州未界大江之表，皆改從今為正，不復依用司空圖也。所載博備，則圖體廣大，非儒學世家恐不能有之。故復別為小圖，指舉春秋國邑盟會，以參所在郡縣，簞食荷擔之學約之通焉。

地名大凡一千二百一十二，其五百五十九闕。案本文地

名實一千二百二十六條，其闕者實五百六十五條。

其百七十周及大小國附庸，其三十一闕。案本文闕者實二十

五條。

八百九十九地名其四百八十一闕案本文地名實九百一十五條

其闕者實四百八十六條

四十四夷其二十一闕案本文闕者實十八條

四十五山其十二闕案本文實四十二山

五十八水其十四闕案本文實五十九水

魯地

隱元年魯

魯國魯縣案晉書地理志魯縣屬魯郡

蔑姑蔑

二名魯國卞縣南有姑蔑城案此句集解作卞縣有姑城又案晉書地理

志卞縣屬魯郡

郎

高平方與縣東南有郁郎亭

二年潛

闕案此句集解作卞縣有姑城又案晉書地理

唐棠

二名高平方與縣北有武唐亭魯侯觀魚臺唐卽棠

本宋地也案隱五年正義引釋例云舊說棠魯地據傳云公辭欲略地則指魯境也又釋例土

地名。棠在魯部內。云本宋地。蓋宋魯之界上也。又案劉昭續漢書郡國志注引杜說云。武唐亭在方與縣西南。

七年中丘。

瑯琊臨沂縣東北中丘亭。

八年許田。

近許之田。

九年防。

瑯琊華縣東南防地。

十年鄧。

十一年菟裘。

泰山梁甫縣南菟裘城。

案晉書地理志續漢書郡國志並作菟裘聚。

社圃。

闕。案杜集解云園名。

桓三年謹。

濟北蛇丘縣西有下謹亭。

案晉書地理志下謹作下灌。

五年祝丘。

闕。

六年成。

正泰山鉅平縣東南成地。

七年咸丘。

高平鉅野縣南有咸亭。案劉昭續漢書郡國志注引杜說縣南作縣西。

十一年闕。

東平須昌縣東南有闕城。案孔穎達正義云公羊傳曰闕者何邾婁之邑也按

傳定元年將葬昭公季孫使役如闕公氏將溝焉則闕是魯公葬地非是邾邑。

十二年曲池。

魯國汶陽縣北有曲水亭。案晉書地理志汶陽縣屬魯郡

十六年向。

闕。

十七年趙。

闕。

奚。

闕。

莊九年蕮。

瑯琊繪縣北有蕮亭。

生竇。

闕。

十年長勺。

闕。

乘丘。

闕。

十一年鄆。

闕。

二十七年洮。

闕。

二十八年郟。
闕。

二十九年諸。

城陽諸縣也。

案晉書地理志諸縣屬城陽郡。

三十一年薛。

闕。

秦。

東平范縣西北有秦亭。

三十二年達泉。

闕

閔二年密

瑯琊費縣北有密如亭

夷

闕

僖元年酈

闕

汶陽之田棘

二名汶水北地也濟北蛇丘縣北棘亭又云兗州龔

鄉縣東北七十五里有棘鄉

案晉書地理志兗州所屬無龔鄉縣又案隋書

地理志魯郡下云舊兗州龔丘屬焉後齊曰平原縣開皇十六年改舊唐書地理志云兗州隨郡武德五年平徐圓朗置兗州龔丘北齊平原縣隋改為龔丘則龔丘乃階縣又云以下蓋後人所增非杜氏本文也謹訂于此

費

瑯琊縣也

案晉書地理志費縣屬瑯琊國

七年甯母

高平方與縣東有泥母亭音如甯

十七年下

魯國下縣。案晉書地理志。下縣屬魯郡。

二十二年升陞。

闕。

二十九年昌衍。

魯縣東南有昌平亭。案集解昌平亭作昌平城。

三十一年濟西田。

濟水西田。

重館。

高平方與縣西北有重鄉城。

文七年郚五梧。

二名。下縣南有郚鄉城。

十一年鹹。

闕。

十二年鄆鄆田。

二名。此東鄆莒魯所爭者。城陽姑幕縣南有負亭。或曰鄆卽負也。疑。

十五年句龜。

闕。

庚丘。

闕。

宣八年平陽。

此乃東平陽也。泰山有平陽縣。

案晉書地理志泰山郡新泰縣故曰平陽。

十八年笙。

魯地也。闕或曰境外疑也。

成二年蜀。

泰山博縣西北有蜀亭。

龍。

在泰山博縣西南。

巢丘。

闕。

陽橋。

闕。

九年。中城。

東海厚丘縣西南中鄉城。

案厚丘永樂大典誤廩丘集解各本並同考晉書地理志東海郡屬有厚丘條下引杜說云劉昭注續漢書郡

國志于東海郡厚丘條下引杜說云左傳成九年城中鄉城杜曰縣西南有中鄉城今據此改正。

十六年壞墜。

闕。

鄆。

此西鄆昭公所出居者東郡廩丘東有鄆城案晉書地理志

無東郡廩丘屬濮陽國注云又云今鄆州鄆城縣是故屬東郡晉和分東郡置

魯西鄆也案成四年經冬城鄆正義云公欲叛晉故

理志東平郡下云後周置魯州尋廢開皇十年置鄆州郡城屬焉縣本後周置曰清澤開皇初改曰萬安

十八年改鄆州為東平郡大業初改縣曰鄆城舊唐書地理志鄆州陪東平郡之須昌縣武德四年平徐

圓則鄆州鄆城縣皆隋所置又云以下蓋後人所增非

杜氏本文也謹訂于此

十八年鹿囿

闕

襄四年蒲圃

場名闕

十年聊

魯國魯縣東南莖城也

十一年五父之衢

魯國魯縣東南

十二年台

瑯琊費縣南有台亭

十五年劉

闕案孔穎達正義云蓋魯城外之近地

遇

闕

十六年海陘

闕案杜集解云魯隘道

十七年桃

魯國下縣東南有桃虛

陽關

泰山鉅平縣東陽關城

旅松

闕案杜預集解云旅松近防地

十九年武城

泰山南武城縣有澹臺子羽冢也

二十二年御

闕

十六年高魚。

東郡廩丘縣東北高魚城。

三十一年陽州。魏其新臺于陽州也。

闕。

昭四年庚宗。

闕。

丘薳。

闕。

五年蚡泉。

闕。

塞關。

闕。

八年紅。

魏其新臺東南洞澗亭。

沛國蕭縣西有紅亭。迂遠疑。

商衛。

泰山奉高縣西北有衛亭。或曰魯衛西界商宋疑。

十一年比蒲。

闕。

泉丘。

十闕。

二十二年昌間。

闕。

二十五年邠。

東平無鹽縣東南邠鄉亭。

炊鼻。

闕。

二十七年且知。

闕。

案杜集解云且知近鄆地也。

定五年東野。

六闕。

十年龜陰之田。

正泰山博縣北有龜山田在其北。

十三年蛇淵囿。

闕。

十四年莒父。

闕。

霄

十闕

哀三年啓陽

十瑯琊開陽縣

五年毗

十闕

六年邾瑕

任城元父縣北有邾瑕城

七年鄆鄆衍

二名瑯琊繒縣
負瑕

高平南平陽縣西北有瑕丘城

八年闡

東平剛平縣北闡鄉城

案鄆道元水經汶水注引杜預釋地無平字

東陽

或曰泰山南城縣西東安城是也疑

案晉書地理志南城作南武城

而劉昭續漢書郡國志注引杜說仍作南城縣與續漢書縣名合故仍之

蠶室

關

十一年稷曲

關案杜集解云稷曲郊地名

十四年大野

高平鉅野縣東北大澤

丘輿

泰山南城縣西北有輿城亭

十五年輸

關

十七年蒙

東莞蒙陰縣西故蒙陰城案晉書地理志蒙陰屬瑯琊國不屬東莞郡

二十七年平陽

西平陽也高平有南平陽縣

陵阪

關

周地

隱元年周雒邑王城邾郕陌

三名河南縣西有邾郕陌也

三年溫蘇

二名河內溫縣

成周

河南洛陽縣

六年周

扶風雍縣東北周城也

案劉昭續漢書郡國志注引杜說云周城在扶風羹陽縣

西北

八年瓦屋

闕

十一年原

河內沁水縣西北原城

案杜集解云在沁水縣西

絺

河內野王縣西南有絺城

樊陽樊

二名河內野王縣西南有陽城

隰隰

二名河內懷縣西南有隰城

攢茅

汲郡修武縣西北有攢城。

案杜集解云在修武縣北。

向。

案王海詩地理攷引杜預說西下無北字。

河內軹縣西北有地名向上。

案王海詩地理攷引杜預說西下無北字。

盟孟津。

案王海詩地理攷引杜預說西下無北字。

二名河內河陽縣南孟津。

州。

河內州。

陘。

案王海詩地理攷引杜預說西下無北字。

十關。

案王海詩地理攷引杜預說西下無北字。

隳。

汲郡修武縣北有隳城。

懷。

河內懷縣。

莊元年單。

闕。

十六年夷。

闕。

二十一年酒泉。

闕。

僖二十四年召。

扶風雍縣東南有召亭。

案孔穎達莊二十七年正義云召康公之封召當在西都

畿內春秋時召伯猶是召公之後西都既已賜秦則東都別有召地不復知其所在。

甘。

河南縣西南有甘水。

案劉昭續漢書郡國志註引杜說甘水作甘泉。

坎欲。

河南鞏縣東地名坎欲也。

二十九年翟泉。

河南洛陽新城縣北太倉西南池。

案續漢書郡國志雒陽周時號成周。

有狄泉在城中。劉昭注云左傳僖二十九年盟于狄泉。杜預曰城內大倉西南池水。或曰本在城外。定元

年城成周乃繞之。案此水晉時在東宮西北。帝王世紀曰狄泉本殷之墓地。在成周東北。然則翟泉的在

洛陽城中。新城乃戎蠻子地。相去殊遠。本文新城二字疑有訛誤。又案昭二十三年杜集解云狄泉今

雒陽城內太倉西南池水也。時在城外。孔穎達正義云狄泉今雒陽城內太倉西南池水是也。若在城內

宜云王居城周知此時在城外也。今主城內者土地名云或曰定元年城成周乃遷之入城內也。據此則

杜說狄泉確在雒陽新城二字應誤。

文十七年邠垂。

河南新城縣北有邠垂亭。

成十一年。鄆。

闕。

鄆田。

河內懷縣西南有鄆人亭。

案孔穎達正義云。鄆是溫之別邑。本從溫內分出。溫

屬晉。鄆屬周。襄王勞文公而賜之溫。於時鄆已分矣。賜晉以溫。不賜以鄆也。狐氏陽氏先處溫邑。於時亦不得鄆。故為王官之邑。

十三年。成。

闕。

襄二十一年。轅轅。

河南緱氏縣東南有轅轅關。

三十年。平時。

闕。

昭元年。京周。

京周長安縣西有鎬京邑。

四年。景毫。

河南鞏縣西南有湯亭。或言毫即偃師也。

岐陽。

岐山之南。

鄆宮山西南

始平鄆縣東有靈臺。

九年閻田絲西南有閻亭

闕

穎

闕平京周

十二年郊。

闕

十七年甘鹿。

闕

二十二年皇。

河南鞏縣西南有黃亭。案劉昭續漢書郡國志注引杜說西南作西北。

榮錡氏。

河南鞏縣西有榮錡澗。

要

闕

餞

闕

揚

闕

領

闕

平時

闕

案平時已見襄三十二年周地此疑重出

京京楚

二名闕

圍車

卦闕

前城

闕

東圍

河南洛陽縣東南有圍鄉

社

闕

陰

闕

春秋釋例

卷五

三

侯氏。

關。

谿泉。

河南鞏縣西南有明谿泉。

汜。

關。

解。

河南洛陽縣西南有大解小解。

任人。

關。

二十三年鄆。

河南鞏縣西南有地名鄆中也。

平陰。

河南河陰縣也。

澤邑。

關。

訾東訾。

二名河南鞏縣西南訾城也。

唐人河南軍總西南晉州出

晉闕

直人

闕

尹尹道

闕

阪道河南軍總西南晉州出

闕

左卷

近東城

唐

或曰河南洛陽縣東南有唐亭疑

西闡

闕

蒯

河南縣西南有蒯鄉案劉昭續漢書郡國志注引晉地道記蒯鄉作蒯亭

二十四年鄔

緱氏縣西南有鄔聚

乾祭

案杜集解云乾祭王城北門

瑕

闕

杏

闕

二十六年尸氏尸

二名河南鞏縣西南偃師城

施谷

闕

渠

闕

褚氏

河南洛陽縣南有褚氏亭

崔谷

闕

闕塞闕外

二名河南洛陽縣西南伊闕案此句杜集解作洛陽伊闕口也

鞏

河南鞏縣

莒

闕

閼澤

許闕

隄上

闕

攜

闕

莒

平陽永安縣東北莒

二十九年鄆

闕

魯縣

河南魯陽縣也

定六年馮

闕

負黍。

河南陽城縣西南有負黍亭。

狐人。

闕。

姑猶。

闕。

七年儀栗。

闕。

窮谷。

闕。

八年穀城。

河南縣西有穀城。

簡城。

闕。

孟。

闕。

哀四年梁。

河南有梁縣也。

霍

河南梁縣南有霍陽山

邾地

隱元年邾

魯國鄒縣

案晉書地理志鄒縣屬魯郡

翼

闕

僖元年偃

闕

虛丘

案孔穎達正義云服虔以虛丘為魯邑杜不從其說

三十三年訾婁

闕

文十三年繹

魯國鄒縣北有繹山

案孔穎達正義云邾既遷都于此竟內別有繹邑宣十年公孫

歸父帥師伐邾取繹邑亦取繹山為名應近邾之都耳

襄四年狐駘駘上

二名魯國番縣東南有日台亭

案孔穎達正義云魯國地理志曰番讀如

藩屏之藩言魯國南藩也。汝南陳子游為魯相。子游者藩之子也。國人避諱遂改藩而為番。字因而不改也。又案晉書地理志番縣屬魯郡。

二十一年漆。

高平南平陽縣東北有漆鄉。案漆鄉續漢書郡國志音書地理志並作漆亭。

又案酈道元水經泗水注引杜說漆鄉下有郭字。

閭丘。

高平南平陽縣西北有顯閭亭。

昭十九年蟲。

闕。

二十三年離姑。

闕案杜預集解云從離姑則道徑魯之武城正義云邾魯接連境界相錯邾人從翼邑還邾先徑魯之武城然後始至離姑而後至邾。

三十一年濫。

東海昌慮縣所治濫鄉城。

哀二年瀛東田。

瀛水東田。

沂西田。

沂水西田也。

絞

關

七年茅

高平縣西南有茅鄉亭

鄭地

隱元年鄭

滎陽宛陵縣西南有新鄭城

案隱元年傳正義云地

又有新鄭縣于漢則宛陵新鄭各自為縣晉世分河南而立滎陽廢新鄭而入宛陵故鄭在宛陵西南也考晉書滎陽郡泰始二年置宛陵漢書晉書並作苑陵續漢書作苑陵

鄆鄆陵

二名潁川鄆陵縣

制虢

二名滎陽故虢國

京

滎陽京縣也

廩延延

二名陳留酸棗縣北有延津

城潁

關

穎谷

關

五年長葛

穎川長社縣北有長葛城

案酈道元水經洧水注引杜說長葛城作長葛鄉

制北虎牢

二名河南成臯縣

八年祊

瑯琊國費縣東南有祊城

十一年時來邾

二名滎陽縣東有釐城

鄆

河南緱氏縣西南有鄆聚

劉

河南緱氏縣西北有劉亭

蔿

關

邾

春秋釋例

卷五

三

闕

狐壤

闕

桓五年繻葛

闕

十一年祭

陳留長垣縣東北有祭城

十二年武父

陳留濟陽縣東北有武父城

十四年東郊

闕

牛首

闕

十五年櫟

河南陽翟縣

莊三年滑

陳留襄邑縣西北有滑亭

十四年太陵

闕

二十一年弭

闕

二十三年扈

滎陽卷縣西北有扈亭

二十八年桐丘

潁川許昌縣東北有桐丘城

閔二年清

滎陽中牟縣西有清陽亭

案清陽亭程公說春秋分記引釋例作陽清亭今考

劉昭續漢書郡國志注引杜說亦作清陽亭則程本訛也

僖六年新城新密

二名滎陽密縣

二十二年柯澤

闕

二十四年汜

此南汜也周公出居于汜楚伐鄭師于汜襄城縣南

汜城是也

案孔穎達正義云南汜在襄城縣南鄭之西南竟南近楚西近周故王處于汜楚伐

鄭師于汜皆以為南汜其東汜在中牟縣南去鄭城既近三十年秦晉圍鄭秦軍汜南則為東汜杜各隨

其所近而言也。又案晉書地理志襄城縣屬襄城郡。

二十八年踐土。

闕。

衡雍。

滎陽卷縣所治垣雍城也。

二十三年函陵。

闕。

汜。

此東汜也。秦軍汜南。晉伐鄭師于汜。滎陽中牟縣南

有汜澤。

三十三年原圃原。

二名。滎陽中牟縣西有圃田澤。

鄆城。

滎陽密縣東北有鄆城。故鄆國。

文元年。縣訾。

闕。

匡。

潁川新汲縣東北有匡城。

秦水澤剛

卷五

三

二年垂隴。

滎陽縣東有垂隴城。

八年暴暴隧。

二名闕。

申。

闕。

九年狼淵。

潁川潁陰縣西南有狼陂。

十三年棐。

闕。

十七年儵。

闕。

宣元年棐林。

滎陽宛陵縣東南有林鄉。

北林。

滎陽中牟縣西南有林亭在鄭北。

三年鄉。

闕。

南里

闕

九年厲

闕

柳棼

闕

十二年邲

闕又云今鄭州管城縣東有古邲城也

案隋書地理志榮陽郡下

云舊鄭州開皇十六年置管州大業初復曰鄭州管城縣屬焉縣舊曰中牟開皇初改內牟十六年折置

管城十八年改內牟為圃田屬焉又杜佑通典鄭州下云後周置榮州後改為鄭州隋置管州煬帝初復為鄭州尋廢州置榮陽郡則鄭州周置管城縣隋置又云以下蓋後人所增非杜氏本文也謹訂于此

管
榮陽京縣東北有管城古管國也

榮澤

榮陽縣東榮澤

成三年伯牛

闕又云汴州雍丘縣北有伯牛城

案漢書地理志雍丘屬陳留郡杜佑

通典汴州下云漢置陳留郡晉改為陳留國東魏置梁州後周改為汴州則汴州後周置又云以下蓋後

人所增非杜氏本文也謹訂于此

鄧

闕

丘輿

闕

四年汜祭

河南成臯縣東有汜水

五年蟲牢

陳留封丘縣北有桐牢亭

六年繞角

闕又云汝州魯山縣南有繞角故一名涉城

案杜佑通典汝

州下云隋初置伊州煬帝初改為汝州後廢州以其地分屬襄城潁川二郡唐為汝州魯山屬焉古繞角城在縣東南隋書地理志襄城郡下云開皇初為伊州大業初改汝州而魯山縣則作魯縣舊唐書地理志則云魯山隋舊縣是汝州魯山縣並隋置又云以下蓋後人所增非杜氏本文也謹訂于此

十年修澤

滎陽卷縣東有修武亭

案酈道元水經齊水注引杜說修武亭作武修亭

十二年瑣澤

闕

交剛

闕

十三年嘗

闕

十六年鳴鴈

陳留雍丘縣西北有鳴鴈亭

案杜預集解西南作西北

督揚

闕

制田

滎陽宛陵縣東有制澤

十七年柯陵

闕

高氏

河南陽翟縣西南有高氏亭

戲童

闕

曲洧

潁川新汲縣所治曲洧城

案杜預集解城下有臨洧水三字

襄元年鄆。

陳留襄邑縣東南有鄆城。

五年城棣。

陳留酸棗縣西南有棣城。

七年鄆。

闕。

鄆。

闕。

九年戲。

闕。

陰版。

洧津。

陰月。

闕。

十年梧。

闕。

陽陵。

闕。傳曰諸侯之師還鄭而南至于陽陵晉與楚夾潁

春秋釋例 卷五

而軍此則陽陵在潁北也或以為襄城舞陽縣者非
十一年亳城北

闕

蕭魚

闕

向

潁川長社縣東北向鄉

瑣

滎陽宛陵縣西北有瑣侯亭

濟隧

闕

十六年湛阪

襄城昆陽北有湛水東入汝

十八年汾

襄城縣東北有汾丘城

魚陵

南陽犇縣北魚齒山

上棘

春秋釋例

卷五

五

闕

胥靡

闕

獻于

闕

雍梁

河南陽翟縣東北有雍氏城。

二十四年棘釋

闕

二十六年城麋

闕

樂氏

闕

案杜集解曰津名

二十八年黃崖

黃水之崖

三十年斗城

闕

酸棗

陳留酸棗縣。

昭元年薰隧。

城門外道名。

四年鈞臺。

河南陽翟縣南有鈞臺陂。

五年菟氏。

闕。

索氏。

河南成臯縣東有大索城。

圍。

闕傳曰晉韓宣子如楚逆女韓起反鄭伯勞諸圍或

以為陳留扶溝縣東北有圍城迂遠非案續漢書郡國志扶溝屬

陳留郡晉書地理志無此縣

六年桓。

闕。

二十年崔苻之澤。

闕。

定四年臯鼬。

繁昌縣東南有城阜亭。案晉書地理志繁昌屬襄城都。

哀十三年黃池。

陳留封丘縣南有黃亭近濟水。傳曰會于黃池。在縣南。吳子執子服景伯以還。及戶牖。然則黃池當在戶牖西北。或以為陳留外黃縣東溝非矣。

戶牖。

陳留外黃縣西北東昏城。

宋地。

隱元年宋商商丘。

三名。梁國睢陽縣也。傳曰陶唐氏之火正閼伯居商丘祀大火。又曰宋大辰之虛也。然則商丘在宋地。或以為障水之南。故殷虛為商丘者非也。

黃。

陳留外黃縣東有黃城。

十年管。

闕。

郟。

濟陰成武縣東南郟城宋邑也。今鄭取之。或以為郟

防。國非也。僖二十年。郟子來朝。則郟非滅也。

高平昌邑縣西南有西防城。

老桃。

闕。

桓二年。稷。

闕。

十二年。穀丘句瀆之丘。

二名。闕。

虛。

闕。

龜。

闕。

十五年。袞。

沛國相縣西南有侈亭。

莊十二年。蒙澤。

梁國蒙縣。

亳。

梁國蒙縣西北有亳城中有成湯冢其西有箕子冢。
案鄆道元水經汝水注引杜說亳城作薄伐城又案說文繫傳引杜釋例作亳在梁國蒙澤縣北薄城中有湯冢凡三亳也。

十六年幽闕。

三十二年梁丘。

高平昌邑縣西南梁丘鄉。
案鄆道元水經濟水注引杜說梁丘鄉上有有字。
僖元年檉犂。

二名陳國陳縣西北有檉城。
案續漢書郡國志陳縣屬陳國晉書地理志晉

武帝合陳郡于梁國陳縣屬梁國又案鄆道元水經梁水注云杜預云檉即犂也在陳縣西北為非檉小城也在陳郡西南

二年貫。

梁國蒙縣西北有貫城字與貫字相似或曰齊有貫澤公羊曰貫澤之會。

九年葵丘。

陳留外黃縣東有葵丘或曰河東汾陰縣為葵丘非也。經夏會葵丘九月乃盟晉為地主無緣欲會而不及盟也。
案孔穎達正義云莊八年傳連稱管至父戌葵丘杜云齊地臨淄縣西有地名葵丘此與

彼異者傳稱齊侯不務德而勤遠路西為此會則此地遠處異地不得近在臨淄故釋例以為宋地

二十一年鹿上

汝陰有原鹿縣

孟平葵丘

關公羊曰買穀之會

二十三年緡西水有買穀之會

高平昌邑縣東南有東緡城

二十八孟諸

梁國睢陽縣東北

文十一年承筐

陳留襄邑縣西承筐城

長丘

闕

十四年新城

梁國穀熟縣西有新城

宣二年大棘

陳留襄邑縣南有棘鄉

成十六年沙隨

梁國寧陵縣北有沙隨亭。案鄴道元水經汭水注引杜預釋地沙隨亭作沙陽

沟陂

闕

夫渠

闕

沟陵

闕

十八年彭城

彭城縣也

案晉書地理志彭城縣屬彭城國

朝郊

闕

城郛

大闕

幽丘

闕

靡角之谷

闕

襄元年呂。

彭城呂縣。

留。

彭城留縣。

犬丘。

闕或曰譙國鄆縣東北有犬丘城。迂廻疑。

十年訛母。

闕。

十二年楊梁。

水經注曰：楊梁，梁國縣也。梁國書曰：梁國志。

梁國睢陽縣東南有地名楊梁。有楊亭。有梁城縣。

昭十三年良。

下邳有良城縣。

二十年鬼閭。

潁川長平縣西北有閭亭。

二十一年橫。

梁國睢陽縣南有橫亭。

南里。

闕。案杜預集解云：宋城內里名。又案孔穎達正義云：傳稱華氏居盧門以南里叛。宋城舊墉及桑林之

門守之。知此南里是宋城之內里居。

厨。

闕。

鴻口。

梁國睢陽縣東有鴻口亭。

新里。

闕。

公里。

闕。

赭丘。

闕。

二十五年。曲棘。

陳留外黃縣城中有曲棘里。

定十五年。老丘。

闕。

哀九年。雍丘。

陳留雍丘縣。

十一年。城鉏。

五

十闕

十二年彌作

頃丘

玉暢

岳

戈

錫

上六田宋鄭之間隙地也

十四年鞏

闕

逢澤

地理志言在滎陽開封縣東北遠疑

案孔穎達正義云漢書地理志

開封縣逢澤在東北或曰宋之逢澤也臣瓚案汲郡古文梁惠王廢逢忌之藪以賜民今浚儀縣有逢忌

二十六年空澤

闕

連中

闕

空桐。

梁國虞縣東南有地名空桐有桐亭。

唐孟。

闕。

紀地。

隱元年紀。

東莞劇縣。

八年浮來。

東莞縣北有邳鄉西有公來山號邳來之間。案晉書地理志

東莞縣屬東莞郡。

莊元年邾。

東莞臨朐縣東南有邾城。

郿。

北海都昌縣西有訾城。案續漢書郡國志都昌屬北海國。考晉書地理志故漢北

海地分屬齊國及濟南城陽東莞諸郡無北海國亦無都昌縣。

郿。

東莞朱虛縣東南郿城也。

三年鄒。

春秋釋例

卷五

陸

春秋釋例 卷五

齊國東安平縣

衛地

隱三年衛殷虛

二名汲郡朝歌縣

四年清

濟北東阿縣東北有清亭

五年牧

闕

七年楚丘

濟陰城武縣之西南有楚丘城

八年垂犬丘

二名濟陰句陽縣東北有垂亭

桓元年越

闕近垂地

三年蒲

陳留長垣縣西南有蒲城

十年桃丘

濟北東阿縣東南有桃丘

案集解桃丘作桃城劉昭續漢書郡國志注酈道元

春秋釋例 卷五

水經濟水注引杜說並作桃城

十六年莘

陽平縣西北有莘亭

案晉書地理志陽平縣屬陽平郡

十八年首止

陳留襄邑縣東南有首鄉城

莊十四年鄆

東郡鄆城

案晉書地理志晉初分東郡置濮陽國鄆城屬濮陽

二十七年城濮

闕

閔二年榮澤

戰而又及河則非河南榮澤闕

案杜預集解云此榮澤當在河北孔穎達

正義云禹貢豫州榮波既豬導沆水入于河溢為榮是榮在河南此時衛都河北為狄所毀乃東徙渡河故知此榮澤當在河北但沆水入河乃洪被河南多故專得榮名其北雖少亦稱榮也

共

滕

衛別邑也

案杜隱六年集解云諸地名闕者不復記其闕孔穎達正義云如翼侯奔隨注云隨

晉地鄭人侵衛收注云衛邑如此所類皆不言闕是也據此則僅言某國之邑皆杜所闕矣後倣此

曹

衛下邑。案孔穎達正義云。曹當在河東近楚丘。

僖十三年。鹹。

東郡濮陽縣東南有鹹城。案晉書地理志。晉初分東郡置濮陽國。濮陽縣屬濮

陽國。

十五年。匡。

陳留長垣縣西南有匡城。

十八年。菟圃。

闕。

訾婁。

闕。

二十三年。五鹿。

衛縣西北有地名五鹿。案晉書地理志。衛縣屬頓丘郡。陽平元城縣

東亦有五鹿。案程公說春秋分記。引釋例云。濮陽縣南三十里有五鹿城。元城縣東亦有五

鹿墟。與永樂大典小異。

二十八年。歛孟。

闕。

襄牛。

闕。

鄴

闕

宛濮

陳留長垣縣西南有宛亭近濮水

三十一年帝丘

古帝顓頊之墟故曰帝丘昆吾氏因之故曰昆吾之

墟東郡濮陽縣是也

案後漢郡國志注引杜預文昆

之語疑此脫又案昭十七年杜預集解云帝顓

文元年

頓丘衛縣西戚城在枯河東又相州臨河縣東有戚

城也

案魏書地形志云司州治鄴城太祖天興四年

屬汲郡

開皇六年置舊唐書地理志相州下云漢魏

郡也後魏道武改為相州唐因之臨河屬焉縣本隋

分黎陽縣置杜佑通典亦云後魏道武置相州取河

宣十二年清丘

東郡濮陽縣東南有清丘

成二年鞠居

闕

新築

闕

六年鉞

闕

七年馬陵

陽平元城縣東南有地名馬陵

襄十四年近關

闕

丘宮

闕

阿澤

濟北東阿縣西南有大澤

十九年柯

魏郡內黃縣東北有柯城

二十年澶淵

頓丘縣南繁汙地

案晉書地理志頓丘縣屬頓丘郡又案酈道元水經河水注引杜

說作澶淵在頓丘縣南今名繁淵

二十六年茅氏

闕案杜預集解云戚東鄙

圍

闕

西鄙懿氏

戚城西北五十里有懿氏城

羊角

東郡廩丘縣所治羊角城

案晉書地理志晉初分東郡置濮陽國廩丘縣屬濮

又滑州東南有羊角故城

案隋書地理志東郡下

六年改為滑州則滑州隋置此條又滑州以下非杜氏本文謹訂于此

昭十三年平丘

陳留長垣縣西南平丘城

二十年平壽

闕案杜預集解云衛下邑

死鳥

闕

定四年武父

傳曰封畛土略自武父以南則武父衛之北境也非河南武父其地闕無處也

有閭之上。

闕 案杜預集解云衛所受朝宿之邑蓋近京畿

相土之東都。

闕 案杜預集解云為湯沐邑孔穎達正義云土地各有閭之土與相土之東都其地皆闕無其處言共王職猶魯之許田蓋近京畿也會王東蒐則為從王巡守助祭泰山為湯沐之邑若鄭之祊田蓋近泰山也。

六年豚澤。

闕

七年沙璆。

二名陽平元城縣東南有沙亭。
八年瓦。

東郡燕縣東北有瓦亭。

案續漢書郡國志燕縣屬東郡攷晉書地理志故漢東郡

地分屬濮陽國及陽平頓丘諸郡無東郡亦無燕縣

曲濮。

闕

郭澤。

闕

十三年垂葭郎氏。

二名高平鉅野縣西南有郎亭。

十四年牽脾上梁之間。

三名魏郡黎陽縣東北有牽城。

孟

闕。

哀二年鐵。

戚城南有鐵丘。

十一年犁。

闕。

外州。

闕。

巢。

闕。

郎。

闕。

少禘。

闕。

十六年平陽東北有平陽亭。

東郡燕縣東北有平陽亭。

十七年藉圃。

闕。

二十五年彭。

闕。

冷。

闕。案杜集解云近魯邑。

城鉏外里。

二名闕。案杜集解云近宋邑。

二十六年平莊之上。

闕。案杜集解云陵名也。

春秋釋例卷五

| | | | | | | | | |
|-----------------|---|---|---|---|---|---|---|---|
| 春利和信 卷五 七 | 下 | 下 | 下 | 下 | 下 | 下 | 下 | 下 |
|-----------------|---|---|---|---|---|---|---|---|

